

甲戌冬季

大成會纂錄

第四十八期

大成會叢錄第四十八期目錄

特刊

勛忠勇之民團

徐炯

爲四川人民禦赤自衛團擬告全川父老昆弟書

郭彥謙

講義

說貪

徐炯

論說

辦惑篇


徐炯

失望

徐炯

我這裏無人說

徐炯



經正則庶民興庶民興斯無邪慝矣達指

徐燦

辨學上

李德龍

辨學下

李德龍

講演

國曆八月二十七日省文廟講演

徐炯

國曆八月二十七日華陽文廟講演

蘇兆奎

學說

二季先生學說

文藝

聖人以神道設教而天下服解

向薰

大德不官大道不器論

徐炯

前題

葉書麟

前題

徐孝開

重刻朱子論語或問序

徐炯

沈紹九先生七旬祝辭

徐炯

新生活運動之感想

劉復仁

華陽縣立職業學校園藝科第一班同學錄序

徐珽

前題

李德龍

侍坐呈霽園師

楊尙恆

專著

滯園文鈔

霽園隨筆

紀事

夏曆八月八日大會紀略

甲戌仲秋月初八日演說

新選董事姓名表

快郵代電

成都紳耆電蔣委員長

成都紳耆再電蔣委員長

蔣委員長覆成都紳耆電

電各軍將領

電各總副指揮請盡量防堵徐圖進剿

公祝何秋帆先生九旬述略

徐 徐  
炯 炯

附錄

紳商等昨電蔣委員長

奉軍政部令禁孔廟駐兵

成都市一月中匯出款項驚人

丁月全書



勛忠勇之民團

徐炯

子休  
華陽

我四川的人 並不文弱 在周初 庸蜀彭濮之人 曾隨武王與紂戰於  
牧野 在漢初 高祖又用巴蜀的人 與項王力戰於滎陽成皋間 時至  
今日 區區赤匪 初來不過數千 而乃屠殺民衆 至數十萬 此何故  
哉 以不能團結耳 不能團結 則赤匪到一村 屠一村 到一縣 屠  
一縣 彼則聚 我則散 彼則強 我則弱 如今要反其道而行之 今  
日我與赤匪 已成勢不兩立 不是他殺我 便是我殺他 我若潰退  
他便趕過來殺我 我如團結 我便趕過去殺他 我能殺他 可以保全  
父母 可以保全妻子 可以保全財產 可以保全祖宗之墳墓 可以保  
全國家之疆土 此是何等勛業 况四川各處 皆有山 皆有水 扼險  
而守 我爲主 赤匪爲客 我甚逸 赤匪甚勞 以主制客 以逸待勞



無有不勝之理 况東北之役 宋哲元部下 與夫各地義勇軍 皆手  
提大刀 拚命殺敵 以爲殺一箇敵人 算保本 殺兩箇敵人 算賺錢  
人人要賺錢 敵雖蠻橫 終不得逞 川人倘能如此 則犧牲二三千  
人 赤匪早被我殺完了 何至數十萬尸骨 堆積如山 豈非不能團結  
之故哉 而今而後 務望一致團結起來 奮勇向前殺去 他前進 我  
擾他後方 他苦飢 我燒他糧草 我示弱 誘他來中我埋伏 我用間  
暗地裏殺他首領 否則如周瑜之燒赤壁 如藝祖之灌太原 如秦人  
之毒涇水 四面包圍 萬衆雲集 赤匪已投入天羅地網中 沒得一箇  
活得成的 書有曰 有猷有爲有守 又曰 如虎如貔 如熊如羆 我  
民團之謂矣 况中央今年 派大員至山東祭孔子 又明令全國文廟不  
得駐兵 蔣委員長又親臨軍官訓練團講大中 又聞中央已派極有紀律



天的手段又豈能與我們正義爲敵因此不揣綿薄依照中央內政部公布都市人民臨時自衛辦法暫假剿匪安川促成會會所組設四川人民禦赤自衛團擬定簡章報請軍政機關備案現已奉批令照准轉咨內政部並責令妥速進行期收實效等因有案今後誓竭全力聯合各界同志在法令所許範圍以內軍政長官指導之下實施自衛工作所欲與吾最親愛的父老昆弟共同勉勵的事約有下列數件一認定赤匪種種謬妄主張及行動均不適我國國情決不受其欺騙一致聯合將他打倒二前方軍隊苦戰逾年我們後方人民應該嚴密組織爲有力的協助三禦赤須憑仗民衆武力團務已經辦好的地方應該切實整頓團務尙未辦好的地方應該趕速編練四參酌保甲成法嚴密清查內奸不容匪黨混入以維持後方安寧秩序五匪情剽悍應該不憚煩勞不惜費用各地同時並舉扼要建築碉堡防其突竄以上數端不過略舉大概

嗣後如有所見再當隨時貢獻續商進行總之不問何人各有身家性命與其束手延頸坐待屠戮不如協心併力共保安全誰無父母誰無妻子誰無兄弟何忍聽其斷肢殘體活埋坑谷試一念及通南等縣一再陷落倖免者全無依靠以爲生已死者猶被挾尸以行遠慘酷情形何忍卒述切望我最親愛的父老昆弟痛念往事預防來日自今以後大澈大悟不躲閃不餒怯不張皇不鬧意見不存私心不避勞怨不倚賴他人以大無畏的精神站在一條戰線各自埋頭苦幹盡量犧牲不剷除此萬惡赤匪不止小之効忠桑梓爲數十萬無辜橫死的同胞一雪仇冤大之戮力國家爲三千里局部殘破的河山重完壁壘時機緊急籌畫不免有疏還望大家賜以匡扶那就萬幸了謹布區區恭俟台教



說貪

徐炯

子休  
華陽

四川赤禍是誰造成的 是一般貪人造成的 某報載劉督辦辭職後 不滿一月 川將領匯了一千多萬到上海 若平常不貪 這項巨款 從何處來的 然而錯了 以我所聞 某處徵糧到了民國七十幾年 而前方士兵 火餉都未發夠 這還不算貪嗎 前正經銀行倒賬 四川將領倒了四千多萬 這還不算貪嗎 某人前十幾年是箇窮漢 如今有田數千畝 這還不算貪嗎 居官不久 而宮室車馬衣服姬妾 樣樣超過常人百倍 這還不算貪嗎 貪真貪得可恨 然而愚又愚得可憐 自己心中問不過 又去諂媚佛菩薩 花上一宗巨款 去打醮唸經 以爲佛菩薩可以保佑我 這真豈有此理 這真豈有此理 只非佛菩薩都糊塗得與你一樣 他就保佑你 如佛菩薩尚有一絲明白 必定把你打入阿

鼻地獄 唐李丹有言 天堂無則已 有則君子登 地獄無則已 有則小人入 你這一般小人 平常誤國殃民 忽然又想成佛成仙 這真豈有此理 這真豈有此理 我以前看小說書 載宋朝天雷打死一根牛肚子上生白色 長成白起二字 明朝天雷打死一根豬 肚子上生白毛 長成秦檜二字 爲甚麼去變牛變豬 皆因他生前 害百姓太害多了 你們如不害百姓 自然生爲正人 死爲正神 如害了百姓 害了數千萬百姓 則一想起白起秦檜的事 豈不寒心嗎 你尙想成佛成仙嗎 奉勸貪人 可以回頭了 再不要去害百姓了 你試去看看關岳廟中 供的是甚麼人 此皆古來不愛錢之英雄也

辨惑篇

徐

燭

子休  
華陽

赤禍披猖全川艷麗客有語及時局者予曰劉從雲何如人也客曰道路傳言則太甚某公信之則太深彼亦道中人耳予曰嘻彼亦知道乎彼乃左道中人耳王制曰析言破律亂名改作執左道以亂政假於鬼神時日卜筮以疑衆殺以王制之言觀之彼當早伏左道之誅矣且道亦何嘗之有黃巾好太平道張陵造道書以惑百姓王凝之世奉天師道康熙間妖人朱方且道光間薛執中皆挾道術游京師能驅遣風雷役使鬼神先期言休咎多奇中後卒伏誅頭足異處合上數事觀之古之方士挾左道以禍人國家者多矣况從雲出身微賤氣貌猥瑣不過醫卜星相之小技算命擇字之雜流一旦處非所據以郭京之妖妄逞呂用之之邪謀去年出兵彼以吉凶爲言遲一月乃發又以讒譖罷退名將某師長道路藉藉夫豈盡虛即令盡虛而今年以軍師之資格負督師之



盛名乃措置乖方進退失據遂令各軍敗衄震動全川語云謀人之軍師敗則死之使從雲稍知廉恥當自伏歐刀以謝川人乃抱頭鼠竄潛回省垣四川尙有軍紀乎彼如之人天殺之地殺之人殺之鬼殺之全川殺之全國殺之後世史官之直筆殺之彼雖萬死何足以蔽其辜所可痛者我四川後方七千萬之脂膏前方數十萬之血肉皆供彼一昏妄人之揮霍耳嗚呼是可忍也孰不可忍也願以告全國之留心川局者

失望

徐 炯

子林  
華陽

甲失敗矣乙起而代之國人方引領以冀曰庶幾其撫我乎已而乙之德復如甲乙又失敗矣丙復起而代之國人又引領以冀曰庶幾其撫我乎已而丙之德亦如乙或又加甚焉如是者年復一年

然而國人並未嘗絕望也若而人汲汲於教育已而教育復失敗若而人懇懇

於生產已而生產亦失敗

傳曰天之愛民甚矣國人又引領以冀曰天其庶幾哀我乎乃某省旱災某省水災某省蝗災遇災而死者其數不知凡幾

傳曰救災恤鄰道也國人又引領以冀曰鄰其庶幾援我乎乃東鄰侮我西鄰復謀我人既爲刀俎我遂不得不爲魚肉

傳曰楚雖三戶亡秦必楚國人仍未嘗絕望也然而勝廣安在劉項安在三傑安在國人於是失望

宋之亡也有文山疊山仁山明之亡也有夏峯梨洲二曲亭林是皆貞下之元也乃今之聞人人人畔孔國人於是失望

傳曰與其有聚斂之臣寧有盜臣言聚斂之可惡甚於盜也乃今日孔僅桑弘羊之流方布滿全國國人於是失望

四面把截無路可通勇者遂憤而自殺然而魯連自蹈海祖龍自稱帝也自殺者何救於國

范蠡不殉會稽之恥曹沫不死三敗之辱彼將留其身以有待也今則何待乎待留夢炎耳待洪承疇耳

如已竭之礦不能再挖已槁之木不能復活

如病胃既久復遇粗惡陳腐之冷餐

如獨行萬里沙漠中無一椽之可以寄宿

如泛一葉於數萬里之太平洋茫然不見彼岸

我硬如鐵彼吞之不能下咽無如我之軟如綿也

雨滴空階我於半睡半醒時聽之只覺秋夜之彌長

涼夜月明秋香滿院我嘗徬徨繞屋而不能寐

夕陽西下黃葉打窗有聲我嘗獨立而如有所思

春光明媚好鳥發聲人皆懽然有喜也我獨忽忽如有所失

賓客滿堂載笑載言我獨憂從中來不可斷絕

我常夢獨行於蒼莽寥廓之區茫不知家在何處

停辛佇苦且過目前豈知來日大難視今爲甚

讀史至桓靈之時徽欽之時神熹之時我嘗廢書而三歎也

前不見古人後不見來者對此茫茫使人邑邑

嗟乎嗟乎學未入門而人已老壯心未已而病已深悔心方萌而機已迫內觀

外觀七十餘年中真不堪把玩也

我這裏無人說

徐 炯

子休  
華陽

朱子在南宋時嘗言佛教有人我這裏無人我這裏者儒教也考朱子當時其

師有劉白水劉屏山李延平諸人其友有張南軒呂伯恭陸子靜陳同甫諸人其弟子有蔡西山黃勉齋輔漢卿李敬子陳北溪諸人皆卓卓有可傳述何以謂之無人得毋朱子之見識太高魄力太大學問太精深而有所不足於諸人歟抑諸人雖賢而與宗杲臨濟歸宗比其聲光氣燄猶有遜色歟俱未可知也然以呂晚村之言考之則勉齋漢卿已不能及朱子而時方昏亂聰明秀傑之士往往以厭世之心理走入虛無佛之徒日盛儒之徒日衰王介甫揚州龍興十方講院記謂其學者之材亦多有以動世又謂失之此而彼得焉我這裏無人之故其以此歟其以此歟然平心論之南宋雖衰朱子大儒卓然能振起尼山已絕之緒我這裏不可謂無人也特朱子之後更無一能及朱子者耳時至今日我這裏乃真無人矣南宋時與儒對抗者爲佛今日與儒對抗者爲耶耶教中如華盛頓之仁義拿破崙之雄偉我這裏有其人乎無有也耶教中如格

闌斯頓之堅卓興登堡之沈毅我這裏有其人乎無有也何以無有試略言之  
沈溺於詞章者耗去若干人埋沒於考據者耗去若干人奔走於勢利者耗去  
若干人迷惑於邪教者耗去若干人壓迫於飢寒而不遑學問者又耗去若干  
人除去種種其賸餘者皆椎魯樸鄙之人也是故帷幄中則無良平其人軍旅  
中則無李郭其人學校中則無顧黃孫李其人開誠布公則無諸葛其人先憂  
後樂則無范文正其人振衰懦則無張江陵其人其擁擠填塞於社會中者昏  
妄之人耳貪鄙之人耳狡詐之人耳蠻橫之人耳庸惡陋劣之人耳莽莽神州  
空無一人若有大災其誰捍之若有大患其誰禦之棟將折榱將崩四萬萬人  
中曾無一人能爲片刻之撐拄者嗚呼朱子我這裏無人之說何不幸而乃大  
收其效果於今日也

經正則庶民興庶民興斯無邪慝矣達指

徐

燦

禮庚  
成都

趙注經常也常也者流行而不息亙古而不渝六經之所以名經蓋謂此也方周之衰孔子起而存百王之法刪訂纂修所以昭明常道經固無不正者矣洎秦人肆虐禁以司空城旦之律而簡牘灰燼六學幾絕矣漢興除挾書之令置寫書之官口耳相授而經籍始次第復出竊以爲嬴氏誦之劉氏張之六經之書固已昭昭乎如日月之代明星晨之錯行矣然而傳書始伏生其尙書大傳洪範五行傳則專釋五行配合生剋之義翼奉傳齊詩創爲五際之說謂陰陽始終際會之歲於此則有變更之政治公羊春秋者又往往喜言災異故董仲舒治國以春秋災異之變推陰陽之錯行而哇孟亦主之易則溺於象數占驗如京房長於災異分六十卦更值日用事以風雨寒暑爲候各有占驗此皆先漢今文學家大師其說經也則原於陰陽準諸五行雜以術數以爲天人之際甚可畏也於是舍人而言天忽近而求遠其去刪訂之旨固不可以道里計也

至哀平之間緯書忽出而詭爲隱語決以預言荒誕怪迂不可究詰朝廷至以五經爲外學緯書爲內學由是奇邪之說中於人心妖妄之事徧於海內米賊黃巾相繼而起而漢社遂屋矣推原禍本非先漢說經大師有以階之厲乎夫際此絕續存亡之日保殘守闕不本大中至正之道以光大發揚而反索諸幽隱務於支離惑世誣民莫此爲甚且士爲四民之首說經又士之秀異者也彼旣以述聖爲標的傳經爲幟志而立言乃與聖人之旨乖違如此以之搖蕩人心壞亂風俗遷流所極尙可問乎中庸述孔子之言曰索隱行怪後世有述吾弗爲之論語子貢亦云性與天道不可得而聞蓋慎之也故其道愚夫愚婦與知與能夫豈驚爲恍惚渺冥驅一世之人入於迷惘之途流蕩而不知返茫洋而無所歸者哉經旨不明民智益塞而二氏蹈瑕披猖不已則人之崇儒術不知其崇異端世之尊孔子不如其尊佛老世道交喪蓋有由來矣孟子云經正



則庶民興庶民興斯無邪慝矣不其然乎然則漢儒說經之謬固未可諱言也

辨學上

李德龍

伯飛  
華陽

夫道一而已矣三代以上無所謂派別也周室東遷王官失守諸子百家蠱出竝作世變愈亟門戶彌繁孔子刪訂六經集羣聖之大成爲九流之總匯道之所在歷萬世而不可易者也秦滅詩書學統中絕漢興除挾書之律一時大師輩出抱遺經以相授受然書或脫簡傳或閒編於是斷章析句正字考文爬羅剔抉去鱗歸醇自是經籍稍稍可讀洎鄭君參酌今古網羅衆家箋注羣經有則有典誠漢學之中堅沿及魏晉以迄隋唐鮮能外其桀獲雖保殘守闕功不可沒而微言大義久傷乖絕有宋程朱崛起始探六經之奧旨闡洙泗之絕學大義微言煥然復明於世其用力之勤與漢儒不異而造詣純深爲功世道則迥非漢儒所及後之人循此塗轍步趨而力行之升堂入室事半功倍聖人復

起何以易茲故孔子之書至服鄭而後可讀孔子之道至程朱而後大明漢之學者能傳經而不能傳道唐之學者能研經而不能求道斯固時勢所囿非盡諸儒之過若夫生程朱之後舍大道而不由兢兢焉辨一字之得失考一制之源委繁徵博引連篇累牘非不竭一生之精力然用功雖勤去道彌遠吾誠爲乾嘉諸君子惜而今人顧津津道之以爲爲學之方舍此莫由亦可謂不達矣夫服鄭之學形而下者也程朱之學形而上者也昔韓昌黎謂老佛之教不幸而不出於三代之前吾亦謂服鄭之學不幸而不出於程朱以後使其見程朱之所就亦將傾心說服舍己從人必不怨勝己妒道真可知也且程朱固嘗讀服鄭之書者朱子於鄭君之注尤備極推崇而探蹟研精鉤深致遠發漢儒所未發然則若程朱者非特有功於孔門抑且有功於服鄭而乾嘉諸子則僅服鄭之奴隸耳今之言學者勿再爲奴隸之奴隸則可矣

辨學下

李德龍

伯飛  
華陽

訓詁考據之失既辨之於前矣而辭章一道其足以耗心力墮志氣殆有甚焉夫言以足志文以足言孔子曰辭達而已矣又曰文莫吾猶人也躬行君子則吾未之有得故古昔盛時有聖賢而無文士聖門列文學之科以著傳經諸弟子異乎後世以文辭名家者屈原放逐而賢人失志之賦作然忠貞耿介不亂不淫猶有風雅遺意焉自茲以降宋玉唐勒景差之徒祖屈原之辭令終莫敢直諫所差已不僅毫釐長卿淵雲而下勸百而諷一其失尤逾於千里天下無道辭有枝葉其此之謂與是以揚子悔之曰詩人之賦麗以則辭人之賦麗以淫如孔氏之門人用賦也則賈誼升堂相如入室矣其如不用何或問吾子少而好賦則曰童子雕蟲篆刻壯夫不爲也然則揚子雖以辭賦自誤猶不欲以誤後之人朱子怪退之以孟軻荀卿屈原揚雄並舉爲不倫然僅此一悔揚子

自有過人者且即揚子之言以求之孔門所稱如雍也可使南面漆雕開可使仕由也可使治賦求也可使爲宰赤也可使與賓客言此其學皆有用之學若夫長楊羽獵之流字麗辭華窮工極巧疊矩重規千篇一律比諸棘猴楮葉以之娛耳目則有餘以之內治身心外治國家則固絲毫無裨此狄梁公所以譏李嶠蘇味道高瓊所以詆馮拯也然而殫畢生之勤或不能工故歐陽子以窮一世之力盡心於文字間者爲可悲誠哉其可悲也後之學者無務行揚子之所悔而爲歐公之所悲則可矣

大成會義錄

國曆八月二十七日省文廟講演

徐 燏

子休  
華陽

民國之紀念 先師自己已八月二十七日始民國中央政府之派大員至曲阜致祭自甲戌八月二十七日始政府此等極正大極光明之舉動是值得我全國國民愛戴擁護的此何以故我國禮教之國也祭於五禮屬吉禮古禮最重故左傳曰國之大事在祀與戎今年新生活運動已首先提倡一禮字今八月二十七日派大員至曲阜祭 先師又實行一禮字是必有一番震動恪恭之精神有一段嚴肅莊敬之誠意舉從前一切苟簡弛慢輕蕩之惡習一掃而空之祭祀之時心目中有一 先師閒居之時心目中有一 先師行大政捍大災決大計之時心目中時時有一 先師如臨如在見羹見牆我 先師之精神即我政府之精神我政府之精神即我 先師之精神融成一片隻出千古我中國豈有不盛且強者故敢毅然斷定曰祭 先師自今日始復興中國

亦自今日始此真值得我全國國民愛戴而擁護者也我猶記得民國三年我在北平於先師誕日曾講演子適衛冉有僕一章於富教兩層說出許多關係來今日且不說教字但說一富字即是我先師振興中國之第一政策而今日不特與子適衛之時不同即與民國三年之時亦不同何以言之蓋今日中國無論公無論私皆在在瀕於破產之地位也農村沒落農民窮百業凋敝工商窮一年有七萬萬的入超中國遂無一人不窮使不於生活上想出一個辦法來我全國人民有窮死而已矣又何幸我中央政府已發出一個嚴正明肅之命令來將各省自民國二十三年七月一日起至十二月底止分期將苛捐雜稅一律廢除此豈非實行我先師富之之政策哉報紙所載各省皆在實行廢除三字最近如山西省已廢除六百餘萬如陝西省亦廢除三十餘萬我們四川想亦不能自居於例外多年枯瘠一旦昭蘇自然有一種活潑欣榮

氣象前八年成都開善後會議時我曾對劉督辦說爲政不在多言願力行何如耳歷時不久想必有人記得蓋說得好不如做得好今日只要將廢除二字實實做出一縣廢除是一縣好處一省廢除是一省好處全國廢除是全國好處此即是我 先師留下一部論語之效果亦即是我今天來到省文廟演說之希望想我顛連困苦之七千萬同胞無一人不表同情也

國曆八月二十七日華陽縣文廟講演

蘇兆奎

夔岡  
華陽

兩儀剖判以來二帝三王以養以教漸臻明備周末大亂篡弒爭擾生民塗炭孔子商後挺生東魯靈迹瑞符不一而足兒時嬉戲常陳俎豆設禮容及長孟釐子稱其年少好禮命子從學又嘗適周問禮於史官衛靈公問陳不對則謂俎豆之事嘗聞之矣晏嬰之譖於齊景公謂其繁禮不能究桓魋之難猶與弟子習禮大樹下書夫清曾國藩氏之言 先王之道所謂修己治人經緯萬



彙者何歸乎亦曰禮而已矣。孔子既目擊時變窮不在位乃上溯三代推及周後因禮損益刪定六經集羣聖之大成垂教萬世其微言大義一衷乎禮禮者緣情而制因義而起順乎秉彝協乎物則詩曰人而無禮胡不遄死禮曰人有禮則安無禮則危六經所載如此者不勝指屈實爲萬世之準的治國者必遵孔子之道所謂循之則治違之則亂修身者必遵孔子之道所謂君子修之吉小人悖之凶故孔子爲萬世師表六經爲萬世教科書即所謂禮教持世也自宵人妄倡廢經遂浸至於非聖一時豕突獠狂對於禮教齟齬不遺餘力末學後生更替焉一唱百和幾若我孔子之道不可容斯須存者而世亂亦即隨之而愈劇嗚呼吾人不皆飽受之乎在我孔子之道初不以或隱或顯偶增損於毫末而國勢頽岌岌矣今者中央孔誕紀念幡然率各省縣爲熱烈之舉行冀以精誠上格奉揚至教一面以振導全國之人心而一其趨步同

時新生活運動亦相與接衍

孔子之道殆將復興則父子有親君臣有義

之君

出指凡為首長與屬下君羣也能合羣衆之謂臣服也堅也服從不變謂友朋交際亦有此二字稱呼不必其專指從前之皇帝與臣僕也

夫婦有別

長幼有序朋友有

信行見烝然丕懋舉四億五千萬之林林總總悉納諸軌物之內與仁與讓化醇俗美於以安內而攘外庶乎有豸蓋必有一日孔子之道乃有一日世界否則猿狉爾搶攘爾魚爛土崩民靡子遺爾我孔子之靈爽式憑誠如日月麗天江河行地與世界同其悠遠者也可能有以孔子為政治家為哲學家甚至以為宗教家議與彼老釋并列是無異尺蠶酌海寸檣撞鐘何其不知量哉

尊孔要旨

禮教為孔子之道之主旨。

六經無非闡發禮教之言。尊孔以讀經為最要。

人不得食則饑。不得衣則寒。孔子之道。即如人之衣食。

孔子之道。實能挽救國家危亡。以達於治安。

孝父母。敬長上。別男女。廉以持己。即是 孔子禮教之精粹。

偏重物質。暫強國。亦必敗。利殺人。亦殺己。故 孔子之道。終將  
大行於環球。

二季先生學說

二季先生南北不同隱見不同學派不同然其言之有益於人心世道則無不同也述二季先生學說

李二曲先生學說

四書乃萬古不易之常經日用常行而不可違焉者也  
豪傑豈是天生不過一念自奮能奮則凡民亦爲豪傑  
恥之一字人品心術善惡生死之關

守先王之道而講明之使知之者衆行之者廣既有裨於當時正人一脈繩繩  
不斷又有裨於後世爲天地立心爲生民立命爲往聖繼絕學爲萬世開太平  
事功之大孰大於此

吾人果立心欲爲君子斷當自知非改過始

天時不如地利地利不如人和只此二語說盡保障之要致勝之基此兵法之本也

致治由於人才人才出於學校學校本於師儒是師儒爲人才盛衰生民安危世道治亂之關故師道立則善人多善人多則天下治此探本至論

士人有廉恥斯天下有風俗風俗之所以日趨日下其原起於士人之寡廉鮮恥

士君子志業當以振綱常扶名教爲己任

伊尹耕於莘野孔明耕於南陽此未仕而稼圃者也海剛峯令淳安縣攜蒼頭二人耕田蔬蔬一毫無取於民此已仕而稼圃者也御史陳茂烈告歸養親身自治畦此致仕而稼圃者也並風高千古稼圃何害 吾人慎毋借口夫子斥遲之言以自誤其生平

士人立身無論顯晦俱要有補於時

天下治亂由於人心之邪正人心邪正由於學術之明晦  
人欲化爲天理則身心太平小人化爲君子則世運太平

我這裏重實行不重見聞論人品不論材藝

多言不如少言有言不如無言

表章先哲所以風厲後進

呼吸一去千古無我抱憾何極可惜孰甚須趁此形神未離由得我時務於進  
德凝道工夫修之又修免得形神將離由不得我時悔了又悔

古人爲學之初便有大志願大期許故學成德就事業光明俊偉是以謂之大  
人

人鬼之分不在死後生前日用可知

改其前非斷其後續

修其身爲道德仁義之身聖賢君子之身擔當世道之身主持名教之身方不孤負其身方是善修其身

閨門牀第之際莫非上天昭鑒之所

吾人身處末俗須是鐵骨金筋痛自矯強

大德固不可踰閑小德亦不可出入

曾子揭戰戰兢兢如臨深淵如履薄冰之詩以告及門此千古作聖之基也  
養德當自儉始

章楓山先生致仕在家僅小屋三間門人化之莫敢華侈

日日返觀內省知某道未盡某理未明某德未成某業未立務求日新又新方是好學

一切世味淡得下方於道味親切苟世味不淡理欲夾雜則道味亦是世味  
他山之石可以攻玉此古人所以尋師訪友不論貴賤遠近也

聖門高弟如顏之愚參之魯雍之簡俱是渾厚醇樸氣象

學無實用世乏良材

治亂生於人心人心不正則天下不治學術不明則人心不正故今日急務莫  
先於講明學術以提醒天下之人心嚴義利振綱常戒空談敦實行一人如是  
則身心康平人人如是則世可唐虞此撥亂反正匡時定世之大根本大肯綮  
也

朱子謂舉業是一厄簿書是一厄詩文是一厄只此三厄埋沒了天下多少人  
材

君子之於惡俗當思轉移勿輕鄙棄



立志須做天下第一等事爲天下第一等人

爲性分職分而學者百無一二爲博學成名而學者蓋千人而千萬人而萬也  
如志非石隱便應將經世事宜實實體究

田內穿井井畔種桑道旁廣栽雜樹及有用果本

此說也行北省可減許多旱災

須是將心上種種嗜好種種繫戀及名心勝心人我心自利心一一省察克制  
如猛將克敵誓不兩立

論士於今日勿先言才且先言守

若操守不足言則有才適以亂天下耳

惡人肯自新惡人可爲善人小人肯自新小人可爲君子蚤迷而晚悟昨非而今是孰能禦之

悠悠度日終身無結果

自農官不設農政不講地利人工始不能盡須是做會典老人勸督之意每鄉擇老成勤力精於農事者立爲農長俾專督農 若夫因時制宜其詳莫備於農政全書及泰西水法

二曲於二百餘年前即有取於泰西水法所謂農長與今日農會會長爲近所謂農官與今日實業局局長爲近通儒之學其有體有用如此故善愛身者護心如護眼使纖毫塵滓不得入其中而爲清明之障

君子之所以別於小人人類之所以別於禽獸吾儒之所以別於異端者禮也子夏先言仕後言學者良以學人一入仕多不復學故先言仕以見既仕比之未仕所關尤重尤不可以不學 馮少墟起官瀕行同志祖之郊外問日子此行仍講學否先生答云講學如穿衣喫飯然難道在家穿衣做官不穿衣在家

喫飯做官不喫飯聞者懣然

天下皆鄉里之積也全要養得此太和元氣在閭巷阡陌之間

時時見得內重外輕不使貧窶動其心他日必不至敗身辱行自陷於乞墻穿窬也

問如何方爲時中曰喜怒哀樂中節視聽言動合禮綱常倫理盡道辭受取與咸宜仕止久速當可方爲時中

持身須是嚴整而渾厚簡易而精明

父母不順兄弟不睦子孫不肖婢僕不共費用不節莫不起於妻家之興敗全繫乎妻能齊其妻方是能齊其家斯家無不齊

今日俯仰無作浩然坦蕩於世上他日屬纊之時檢點平生庶不至黯然消阻自貽伊戚於地下

人心有病須是剝落剝落一番即一番清明

呂涇野侍父疾一年之間鬚髮爲白

一涉因循便成擔閣將來終無所見終無所得終無所成

空空洞洞一如赤子有生之初

流光迅速歲月有限緊做工夫勿自悠忽

孟子謂逸居而無教則近於禽獸余亦謂逸居而不學則近於禽獸

殺人須從咽喉處下刀學問須從肯綮處著力

寐時漫無主張死時又將何如

大成會譜錄

聖人以神道設教而天下服解

向 薰

南泉  
彭縣

觀之爲卦二陽在上四陰在下陽剛居尊爲羣下所觀仰故名曰觀文王卦辭則謂聖人至德出治天下自然而化盥而不薦有孚顒若皆形容之辭孔子象傳則又因聖德而推極於天道天之道何道也無聲無臭自然運行之道也初不見其有爲之跡也而四時行焉百物生焉故曰神也神也者妙萬物而爲言者非鬼神之謂也聖人者太極在己建中於民不假言語聲色不須威刑恐逼薰陶漸染默化潛移不賞而民勸不怒而民威於鈇鉞不期治而天下平不期服而天下皆服恭己無爲而自然觀感亦猶天之不貳不測也聖人非皇皇焉持一神道以號令天下也自其無思不服言之則亦若以神道設教云爾蓋卦辭象傳皆是形容擬議之詞無非發明二陽居尊四陰在下羣相瞻仰而已晚近俗語則謂鬼神之神有益於人心陰輔王教者甚大王法顯誅所不及者爲

神道足以懾服之且援觀卦象詞神道設教之言以爲依據此種荒謬之談奚足與辨獨其茫然不知經訓而敢於矯誣聖人其妄誕亦可畏也

大德不官大道不器論

徐炯

子休  
華陽

道家出於史官法家出於理官此所謂官也爍金以爲刃凝土以爲器此所謂器也官也器也蓋理之所必有而世之所不可無者也然而非其大焉者矣所謂大者德冠古今統仁義禮智而皆備道通天地綜仕止久速而成宜不必任一官也而涵蓋統攝之者其義廣不必拘一器也而範圍曲成之者其化神是蓋大而化之之大集大成之大非僅僅大受小知之大也大哉堯啟萬世之文明大哉孔子爲羣聖之宗主始能滿其量焉爾程子謂戴記一書除大學中庸外惟學記爲近道近道云者以其所見者大也夫一語而探道德之本原終篇而示教學之綱領以視後儒之各有所偏蓋不可同年語矣嗜古者或只專一

經觀其通則不免隔闕明體者或不達於用論其世則第覺空疏無乃於大本大原之地尚有所缺略乎我國隆古之世自有其包舉宇內牢籠萬物者後儒失之徒震驚於畢士麥之掉閩鼎利孫之戰功與夫瓦特之發明汽機牛頓之參悟萍果遂乃拋棄國粹屑屑焉以自小也嗚呼偵矣

諸生會課文少佳者乃作此以示之

葉書麟識

大德不官大道不器論

秋季會課第一名 葉書麟 叔明華陽

易曰地勢坤君子以厚德載物傳曰君子可大受不可小知夫經緯萬端規矩無所不統施四海而皆準彌六合而成宜者其惟聖人乎聖人者德至溥道至宏大而能化深而不測其於萬事萬物莫不淖入湊理一一有以措置而畢宜故雖叢脞執掌之中無不釐治之奠安之而舉之易易者荀子所謂精於道者兼物物不其然乎不其然乎且夫漸車之湖至竭涸也不崇朝而盡之矣百川



會宗而歸於海則海者誠衆流所委而其源萬里也盈科後進放乎四海本之  
既盛烏有不被其潤澤者哉竊嘗謂聖人之道所以能博厚悠久者亦其本立  
有以焉耳夫所謂本者何也則亦曰學而已矣抑考聖人之所爲學而後知聖  
人用施之廣大精微也獨宜禮樂射御書數者學也誠正脩齊治平者亦學也  
學之既精何施不可孔子以之爲乘田委吏能當以之爲魯司寇亦無不當至  
夫舜禹稷契皋夔湯武周召之倫或耕也或樂也或教也或士也既無不當推  
而至於捍災禦患除殘去暴利用厚生制禮作樂亦何施而不當哉然則脩身  
礪行宏道蘊德之君子其所施爲詎僅拘一職圍一物已乎學記曰大德不官  
大道不器亮哉言已今夫道德之所以大亦由學積之耳積土成山而風雨興  
積水成淵而蛟龍生彼其神明不測應乎无方非積而然哉荀子榮辱篇之言  
曰堯禹者非生而具者也起於變故成乎脩爲待盡而後備者也夫其學積本

立之道至如此以之爲天下無所施而不善況其小者乎若乃斗筭之才樛櫟之器體倨固而心僻違術卑賤而行雜汙或井曰乾餼之不能勝或胥吏皂隸之不能任者固無論即有技矜奇巧術尙勢詐佞俛然渠渠然本之不立將安施用哉執德不宏信道不篤焉能爲有焉能爲亡不信然歟是故以拙工而爲大匠之事則謬矣以矢人而爲函人之工則違矣以蘇張范蔡而爲臯夔稷契之事則悖矣以蕭曹而爲周召之事則舛矣何也執一偏而不足賅乎全見其小而不足任其大也莊子曰樞始得其環中則應乎无極是知聖人者具衆理應萬事窮无極而應无極者也其施爲也夫豈一官一器之所能方哉然而要之以學殖其本淺人不察或乃謂爲迂闊又或以爲高不可企及者皆昧於是義也吾故備論其說以爲人之務本者勸

李漢三先生批

逐層推勘詞意俱勝文氣亦頗靜穆可稱佳構

大德不官大道不器論

秋季會課  
第二名

徐孝開

天懿  
華陽

漸車之潤積潦縱橫用以濯纓濯足裕如也然引而灌十畝之田則涸大江西來蕩蕩萬里澤溥寰區久而不竭君子觀源遠流長有本者昌遂因以知道德有小大之辨焉昔尼山弟子三千身通六藝者七十有二人此七十二人中由也可使治賦求也可使宰千室之邑赤也可使與賓客言然能治賦者未必即能宰千室之邑能宰千室之邑者未必即能與賓客言是故聖人擇官以任又見由以果稱賜以達稱求以藝稱然果者未必達達者未必藝是故聖人分論其器器有所分官有所擇之數子者吾未見其大也若夫與天地合其德與日月合其明茫乎不知其畔岸而非遠浩乎不知其津涯而非深者惟我孔子一人而已矣生斯世也救斯世也可以仕則仕可以止則止可以久則久可以速

則速心普萬物而無心情順萬事而無情廓然大公物來順應何官之不可爲何物之不可施哉是以爲委吏則稱會計當爲乘田則稱牛羊遂及攝行魯相誅奸發惡政化大行翕然稱治其以傳道自命則曰文王既沒文不在茲其以爲國自命則曰如有用我其爲東周是豈非所謂大德不官大道不器者乎孔氏穎達釋不官爲垂拱無爲不治一官於義殊嫌支離未若紫陽之釋爲不拘官職之爲得也此姑無論要之學者讀經至此既有以識夫源委之相關則於求學之事更不可不熟計而詳審夫聖人以大德大道爲體遂致不官不器之用後生粗知讀書固未足與議大德大道然而學問則其體也學其所謂敬業樂羣學其所謂知類通達今日學於庠序之中他年用諸廊廟之上治世能臣罔不由此非然者不學無術欲恃區區之才智以濟世霍子孟之所以貽後人非訾正以不知本源故也程子曰禮記自大學中庸外惟學記最近道今讀其

大德不官大道不器數語辭意極渾而用心良深然後歎程子之言爲不虛而愈增我爲學之心也

李漢三先生批

氣機芴勃文筆亦頗老到

重刻朱子論語或問序

朱子四書或問蜀中向無此書前數歲湘潭趙澗園先生惠寄大中或問來炯始得敬而讀之今年春又借得陳君踐室論語及孟子或問於是乃集貲先刻論語或問書四冊越三月書成倘有餘力將再刻大中及孟子或問三書再有餘力且將刻朱子語類及朱子文集等書是書也其關係於世道人心蓋非淺鮮也嗟乎有力者或心不在是有心者或力有不逮焉是不能不有望於後之君子矣民國二十三年甲戌仲秋月華陽徐炯敬書

沈紹九先生七旬大慶祝辭

徐炯

子休

陽愆陰伏天札弘多不有神術如運數何負哉先生東南之秀西遷岷峨包蘊孔厚出其緒餘全活世人君既活人天亦活君癸酉之歲遭疾幾殆化險爲夷潛通帝載自時厥後神王氣充五福之首集於厥躬是奇男子不侵然諾可寄可託義聲遐播延年之術匪參匪苓上契冥漠曰義曰仁雙瞳漸方仁義之報祝君羨君子賢孫孝

新生活運動之感想

劉復仁

子愚  
溫江

中國當此危急存亡之時而國人有新生活運動之發起殆將借此以振興民氣歟雖然吾特惜其無本也

新生活之精神在禮義廉恥四字抑知禮義廉恥之來源安在乎禮義者人生本有之天則廉恥者亦人生固有之天良也禮義廉恥既爲人所本有人何以

忽焉亡之則以不讀書故也

人不讀書不特高尚之道德無有即普通之知識亦無有道德知識在在無有其結果遂養成一種野蠻生活而頹敗之狀至不堪問矣

謂予不信請更徵之

管子曰禮義廉恥國之四維四維不張國乃滅亡此即新生活之意義所從出也試問不讀書者其亦知之乎

况管子之言不過略舉其大概若其精微之蘊非我孔孟不能知之又豈不讀書者所可夢見也

且新生活之精神尤當注重一新字中國人已往之生活無一不墮落於陳腐因循之中今欲舍舊圖新則所以振刷其頹風者要必有在吾未知國人將何以處此而達到其自強不息之精神也





大原會書錄  
一曰尊孔二曰讀經孔子者我國民最高之模範能實行新生活者也諸經者孔子之精神所在含有最富之新生活意義者也

不尊孔則國民不知新生活之目的不讀經則國民不得新生活之指南而禮義廉恥亦屬空談耳此吾所以認定尊孔讀經爲新生活最要之方針也我謀國諸公亦嘗計及此耶吾走筆至此望眼欲穿矣

### 華陽縣立職業學校園藝科第一班同學錄序

余弱冠侍家嚴就學於華陽學堂時清光緒癸卯年也西林岑公督川家嚴與摯友胡陸兩先生商之執政議改潛溪書院爲學堂邑宰桐城方公聘家嚴任監督所訂學科有經史古文地理更延美籍文學士克阿林先生授數學英文是爲邑人研究科學之始基當時硯友約九十人及今留省從事於政學者僅及其半先後物故者三十餘人散處大江南北者七八人追念清季政俗已遠

遜於乾嘉而社會秩序井然學者咸能有所成就自食其力未聞有越軌之行雖無赫赫殊功而攷其所業則無不有益於人且能於三十年後時相聚首情愔彌篤亦吾邑學業盛事也今者職業學校第一班園藝科行將畢業作同學錄請序於余因有所感乃追述往事以遺畢業諸君幸珍重涵泳時代之變遷試觀現代環境若何政俗若何人民生計若何而諸君之學養又若何今後或將繼續研究學業或返里躬耕試其技藝或須服務於社會分道揚鑣聚散無常而較余癸卯同學之所遭遇誠弗若也但願諸君玩味余平日之相告語者努力憤發勿爲環境所囿則後三十年諸君聚首話舊時我國所處地位必優於今日兼以政清俗厚物饒民安彼時再各就所發皇事業其更有益於社會必矣復使後之學者益勇於嚮學樹功代相倍進則吾邑之榮譽將騰播中外永永勿替誰肩斯任諸君其勉之民國甲戌仲夏徐孝恢序

前題

吾國農國也而蜀地宜農尤著稱天下自秦守李冰鑿二江成都以利灌溉食其賜至今而山林川澤材木竹箭之饒天府陸海自昔擅號左太沖所賦兼六合而交會茂八區而菴藹者也喪亂以來百業俱敝農爲特甚十餘年間徵歛于農者不知紀極上戶僅存中下流亡浮囂之輩棄本逐末於是所謂軍官學校也講武堂也教導隊也在坑滿坑趨之若鶩如此則至逸且富如彼則至勞且貧士不安於白屋民不安於畊畝輻輳並進各懷無厭無恥之心而世亂乃以日亟吾縣薦紳怵當時之禍懲前愆後冀挽橫流本孔門既富既庶之教爲衛文訓農惠工之謀爰創職業學校集議公庭推縣人徐君孝恢爲之長徐君渡海而還即以農學有聲于時主講四川農學院歷十餘年故羣議屬之度地城東中和場草創伊始筮路籃縷首開農科一班而予亦以邑人濫竽教席忽

忽三稔諸生以同學錄之刻來請序斯舉也在近日已成故事爲之者數矣未嘗不以例文厭之然諸生之志有足嘉者竊嘗謂學校之弊所養非所用所用非所養而學者之弊則飾游談而遺實際今諸生來自田間學以農爲名辨志知方擇術甚正自茲以往或進而深造愈遠無窮或歸而秉耒實事求是異乎學非所用空言無施者乎他日相逢各出經驗所得證之學理因五土之性辨九穀之宜俾農政益修利源日闢以轉移一世之趨向即競逐浮利者亦稍稍返本歸真風聲所播由一縣而浸淫全省全國世亂幾乎其戢而斯錄爲不虛也若徒以聲氣相高阿比相尙一人得志案名索錄黨同伐異徇私背公若今世所謂學籍者宜亦諸生之所不屑已甲戌初伏縣人李德龍撰

侍坐呈霽園師

楊尙恆

貞久  
仁壽

老來氣概凜如霜天際清高雁一行聖道昌明終有日妖氛黯淡悵無光綱常

大成會業錄

名教雙肩荷德業風流萬古揚借問及門諸弟子何時入室與升堂

### 論禁烟事宜摺

奏爲禁烟期於實行敬陳管見仰祈聖鑒事竊維鴉片之爲中國害受患者百  
年被毒者萬姓從前屢次議禁而未能者或隱匿而涉欺朦或激切而滋窒礙  
或騷擾而生事端自以徵爲禁之說起徵稅雖多而吸烟者如故於是此項遂  
爲入款大宗值庫藏支絀之時頗有難於禁絕之勢近奉明詔著定十年以內  
將洋土藥之害一律革除淨盡仰見朝廷銳意振奮欽服莫名經會議政務處  
明定章程嚴密周詳固已曲中窾要然臣不免總總過慮者以爲不難於立法  
之嚴明而難於奉行之切實必大綱有提挈之處而後全局有振起之機謹酌  
擬四條以期禁烟新章易於舉行敬爲我皇太后皇上陳之一京師設禁烟總  
局也此次限十年禁斷爲期頗寬在官吏認真者固不至漠視惟十年之內督  
撫之更易無定州縣之遷調無常日久生玩實在意中若無總匯之處專責之

人局勢渙散既不便於稽查公事玩延又莫爲之催督以後章程能否實行殆不可知擬請京師設禁烟總局欽派職位較崇之員專司其事置書記數人辦理文牘所費甚微裨益甚大凡各處種烟畝數若干吸烟人數若干每年減少若干烟店若干烟稅若干由總局次第咨查令該管督撫以時報告庶全國戒烟之精神較爲提振而按年遞減之情形亦便考查一上海設禁烟總會也上海紳商多熱心義舉主持公益之人提倡所及頗多信向上年有創立振武社以勸導戒烟爲宗旨者遠近聞風翕然應之擬請飭下兩江總督於該埠紳商中擇純正勤懇者數人勸其立禁烟總會由總會擇各省正紳同志者各就省城立禁烟分會聯爲一氣所有各處禁烟事宜由總會隨時調查隨時報告京師總局並與各分會隨時研究以達禁斷之目的風聲所布感懣自神較之官司奉文敷衍者必有實際一八省膏捐大臣名稱宜酌改也禁烟之令旣行烟

稅必漸次短絀徵收斷不能如從前之旺比較斷不能如從前之嚴是膏捐辦法不得不酌量更變若名稱仍舊中外注目者皆以爲國家仍恃此大宗入款雖有禁令並非實心必致各懷觀望藉口遷延於禁烟毫無效力自以揭破此層爲最要關鍵應請飭改膏捐大臣名目或曰禁烟大臣或曰稽查土膏大臣庶號令一新足以示風旨而聳觀聽一面由度支部商之各督撫由禁烟總局商之總會分會協謀並規委曲設法期可以抵按年膏捐短絀之數以免窒礙將來洋藥禁盡中國每年少四千餘萬之漏卮其裨補者甚大不可但顧目前也一請歸公家專賣也種烟者限制地畝吸烟者給與牌照以及封閉烟館稽查烟店皆爲切要之事然地方遼闊散漫則總核難周人情狡僞姦欺則弊混百出惟歸官專賣之法匯散爲總若網在綱辦理較有把握英於印度日於臺灣皆用此策儘可參仿其專賣細章則須俟總局總會設立以後悉心籌議乃



臻妥善臣維此次奉旨禁烟適當預備立憲之時非但中國強弱所關抑亦各國觀瞻所注若徒取辦文牘不能實力推行於國勢國體俱有關係總期綱舉目張令行禁止以除毒害而圖振興計一二年之內必能將土藥實在少種若干土稅實在少收若干確鑿可據然後能與英人協商限制洋藥以遏來源斷非敷衍玩延所能有濟事體重大不厭求詳管窺所及爲推行禁烟新章起見是否有當請飭下會議政務處察核恭摺具陳伏乞皇太后皇上聖鑒

按禁烟總局總會均經實行膏捐局尋裁撤專賣一節外部與駐京英使交涉未能就緒

### 鄧節母傳

安人姓張氏祁陽人生而聰慧端重未笄歸同邑鄧太初其初爲嫠也年才二十四舅慮其齒少喻以他適安人曰生爲鄧氏婦死爲鄧氏鬼婦志決矣敢有

二心且婦去遺孤將焉依因流涕自誓居數載足不踰戶闔志操益厲舅心安  
焉舅年日高多病諸娣姒各分居不克承事獨安人日夜扶持治饘粥進方餌  
審容察微必謹必周衣不解帶者常經月舅病革詔安人曰吾以若夫死子幼  
不忍離若居以相保也今更重累若矣吾願若子孫事若如若善事我也既而  
曰若茹苦撫孤天其終不負若舅歿安人以一女子支柱內外自以媼婦當避  
嫌所顧傭奴皆老弱盜乘間攘竊一夕數驚里中諸無藉者醉集室中交鬩相  
怵安人不爲動徐以遜辭遣之每秋穫攫取尤甚安人勤護視夜分挈穉子巡  
行隴畝間相泣也安人勤嗇善治生樵汲鋤種自忘其勞用此資計日裕然不  
爲纖吝親黨姻故快恤之惟恐不適其意姨子某夫貧而蕩忿懟不自安安人  
開陳大義召其夫貸之田使耕時其困乏以周之遂爲夫婦終身歲己未寇掠  
其子以去安人憂灼則行善益勤所施貸若寒衣雨笠之屬甚備閱六月果歸

安人性方嚴終身踐蹈禮法雖一子課督之甚至不令稍軼邑有妖尼潛結教  
匪爲奸煽動里中覬並誅安人安人峻拒之曰吾寡婦出入寺觀不便且籍名  
於冊何爲後事發諸註誤者罹害安人獨無所累蓋安人遭植憫凶所歷險艱  
怫鬱之境叢沓交至多人所不堪獨以貞固之心處之量柔剛劑豐約順應曲  
當惟義之適而訖無瑕玷可不謂賢乎其事嚴舅以婦道而兼子職忠養服侍  
不懈益虔抑尤難能也夫婦人之德柔惠端靜而已至於嬰事變履拂逆才不  
足以應猝識不足以周達則亦無能網維撐拄以保家而延世才裕而識具矣  
復貞之以不可奪之志雖士君子樹立名節震禔風迹其道有加於是者乎安  
人卒年七十得請旌如例其次孫成業從予遊請爲傳藏之家爲刺取其大要  
著之蓋非第章安人之懿行亦藉以昭示末俗俾知所取則而爭自厲焉

予年衰多病傷風喫薄荷油傷寒喫金靈丹大便秘結喫清導丸小便短數喫海而密妥胃氣不舒喫蘇打咳嗽喫白松糖漿喉痛喫藏青果陽虛畏寒喫龜齡集古人云多病所須惟藥物諒哉

到得春來不獨花可觀草亦可觀摩詰詩云不向東山去日令春草深其觀物又進一步矣

去年山茶九月已見花今年三月花猶未全謝蓋已歷三時矣  
季夏仍夏也聞蟲聲覺有秋意季冬仍冬也聞鳥聲覺有春意  
許多報紙對於先師直呼之曰孔老二即此一端亦當陸沈  
民智民力民德俱降在零度以下似此民族而欲生存於世界也不亦難乎  
膏血已竭於征斂丁壯復盡於內訌再有大變必不支矣  
國不愛民則民不愛國

無是非無賞罰無廉恥如此國家嗚呼國家

抓錢之道誠哉其突飛猛進除此以外吾未見有毫髮之進步也

近今之好談葱嶺與清季之好談改革同一爲風氣所轉也可悲也

漢人且不能團結遑論蒙藏同黨且不能團結遑論國民

涂君伯文游日本學陸軍學最優性慷慨有大略歸國後方冀其有所建樹也乃竟鬱鬱以卒以一聯哀之人忽已千古名忽已千秋風也淒淒雨也淅淅才未嘗一試學未嘗一用世方憤憤天方夢夢

光緒初元溫江李湘石負書名岳鳳吾則曰予四友皆優於李問之則成都顧印伯富順王植青成都林樵雲華陽范玉賓也

石匪肇武爲旅長時無惡不作既伏誅其私宅改爲市政府辦事處詩云宛其死矣他人入室

人生於何地其心思不能不囿於所生之地人生於何時其心思不能不囿於所生之時自非大賢以上不易超出此範圍也

一人好不起來必需衆人尋常人好不起來必需非常人嗚呼舍詩書之澤何以哉

古人云不恃敵之不來惟恃我有以待之今則我無以待之惟恃敵之不來耳我國無論何人心中都要有一國字

立志二字是學問的出發點救國二字是一生的究竟法

默觀我國真把離心離德四字發揮得淋漓痛快

觀各處義勇軍徒痛心於多殺壯士

今之假漢學家亦貪財亦好色亦愛官亦吸洋煙亦廣交遊亦結權貴而又佐以莊列之雄誕蘇張之機詐釀爲風氣廣播謬種其爲世道人心害也豈有涯

哉

詩之予聖書之自賢今之當權者往往犯此病

智足以拒諫辯足以飾非此紂之所以爲紂也智不足以拒諫而仍要拒諫辯不足以飾非而仍要飾非此紂之後所以不止一紂也

古人謂北方北首爲之幽之義今人謂首向北臥使腦筋受北極吸力易於安眠若以衛生論今人爲優

范文正出將入相而黃山谷猶謂之百不一試信乎遭遇之難也

洪範中七八兩疇俱屬可疑

康誥說出三箇殺字酒誥說出兩箇殺字雖聖人御世然欲整頓紀綱亦斷斷不行姑息之政也宋太祖以仁厚稱其言曰若犯吾法惟有劍耳亦庶幾知斯意矣

至誠感神孔傳訓誠爲和蔡傳訓誠爲誠案說文誠和也誥召之丕能誠於小民即其鐵證堯典克諧以孝諧即和也易咸卦象傳曰咸感也誠從咸誠有感義中庸曰致中和天地位焉萬物育焉言中和則天地萬物皆感動也周禮春官樂六變則天神皆降樂八變則地示皆出樂九變則人鬼可得而禮言太和之氣至則不易感者亦感也似和義爲優不必改訓爲誠也

舜之禪禹也曰天之曆數在汝躬湯之伐夏也曰有夏多罪天命殛之武之伐商也曰天有顯道厥類維彰可知一代興亡皆天實爲之也

揚州之田下下荊州之田下中梁州之田下上而今皆爲沃壤至雍州之田以上上稱今則幾同沙漠嗚呼人事修與不修之故也

文王之興匪僅以仁及鰥寡孤獨也詩云予曰有疏附予曰有先後予曰有奔走予曰有禦侮書云則亦有熊羆之士不二心之臣



漢高忍人也亦幸而成事耳使項王殺太公而分以杯羹即聲其大不孝之罪而討之則天下皆惡其不孝漢諸將亦必惡其不孝且陰憚其居心之忍而劉氏敗矣惜乎項王未能下此辣手

周家德化最盛文王聖人也武王聖人也周公聖人也周公之後柳下惠又聖人也孟子又聖人也

周至孝王而始衰秦至孝公而始盛

甲戌立秋日示諸孫 以七分精神用在左史以三分精神用在莊騷以七分精神用在羣經以三分精神用在文學以七分精神用在躬行以三分精神用在讀書以七分精神用在門內以三分精神用在國外

昨夢爲人題扇性善則善益明性動則善亦動至於不動而動乃可以用天下之衆語在可解不可解之間以一字未忘故記之

周雖以壹戎衣定天下然立政之言曰其克詰爾戎兵以陟禹之迹康王之誥曰張皇六師無壞我高祖寡命非若後代之貿然銷兵卒以讓土崩之禍也尙書言敬處甚多敬字之外如欽乃攸司欽敬也寅亮天地寅敬也祇勤于德祇敬也惟恭奉幣恭敬也肅將天威肅敬也厥考翼翼敬也敬也者百王傳心之要典也而蘇子瞻氏乃欲打破此字得毋爲堯舜禹湯文武之罪人乎瑜亮並稱瑜不如亮李郭並稱李不如郭程朱並稱程亦不如朱也言清行濁名盛節衰今之文人往往犯此病黜陟不知理亂不聞以之形容隱士可耳若全國人皆如此豈不危險形質精神兩不足恃則人之不死也者幾希彼居下流之小人以君子之守正爲開倒車然則彼之從流下而忘反乃爲斬新時髦也

某國既得東四省黃河流域必不支再得黃河流域長江流域必不支再得長江流域珠江流域必不支而中國盡矣

今之赤匪與明季之流賊何以異也今之某國與明季之滿洲何以異也而國人之道德墮落則遠在明季之下

唐之黃巢明之張李何嘗知共產主義但人民窮到極處斯鋌而走險耳近年內訌不已正所謂分崩離析憂不在顛也

舉國皆以爲是而一人獨以爲非舉國皆以爲非而一人獨以爲是是謂好惡拂人之性

睡覺東窗日已紅純是朝氣西窗斜日已無多純是暮氣

傳有曰心之精爽是謂魂魄魂魄去之何以能久夫魂魄何以去天奪之耳故國之將興也是曰天誘其衷國之將亡也是曰天奪之魄

夏曆八月八日大會紀略

徐 炯

子休  
華陽

今年八月八日開大會某病未出席先以今年有特殊情形作演說一篇付印開會時會員各散一紙聞今年出席者僅四十五人嗚呼何其少也往年文殊院喇嘛唸經祈禱到者數千人用銀五六萬圓今年青羊宮建醮祈福到者亦數千人日用銀四五百圓合計之亦不下數萬圓異教何以盛吾教何以衰某不能不長太息也某以不德組織斯會已歷十餘寒暑而會員乃日減向曾某所組織之孔教會今日亦漸歸消滅異教何以盛吾教何以衰某更不能不驚懼也晉時王凝之以信天師道殺身梁武帝以信佛餓死宋欽宗以信郭京之邪說亡國猶可曰在前數百年千年也紅燈教之禍八國聯軍入京清社因之以屋爲時至近矣而吾國人何以健忘若是某更不能不駭怪也禍在兵戈其禍淺禍在倫理其禍深今日之禍吳虞毆父是不親親諸將虐民是不仁民愛

物福有本禍有源由微而顯燎原莫救而國人何以迷罔若是某更不能不咨嗟歎息而流涕也然而大成開會到者猶有四十五人寇氛雖偏祀事如常詩有曰風雨如晦雞鳴不已某又不能不美諸君子之不改常度也而今而後但冀大成會中人不薄於倫理不疏於行檢不眩於異端不誘於勢利一心一意惟以聖人爲依歸則他日太平之基或在於是某老矣雖不及見剝極之復然而此理可信諸君子必有及見之者某又何爲而不豫哉演說一篇暨新董事姓名表列諸後方

甲戌仲秋月初八日演說

往年開大會只是籌備大祭與選舉董事兩事今年有特殊情形所當陳述者列諸後方

我們中國前數年曾罷除 先師祀典矣沒收衍聖公祭田矣乃今年則

派大員至曲阜致祭明年林主席尙當親往曲阜致祭現山東省府會議正汲汲於修葺宮牆整理樂器諸事人民倡之於先政府和之於後正呂伯恭所謂善類多氣燄大薰蒸上騰亦自有轉移之理也此當陳述者一  
本校經費支絀蔡先生辛苦支持已歷三年今歲校務部公推文先生爲校長文先生經驗宏富熱心教育對於本校必能日起有功此當陳述者二

今年華陽小學會考報載大成小學成績最優本校開辦以來差幸尙未誤人子弟此當陳述者三

我們中國非 孔子之道真不能治本會以大成爲名尙希諸君子顧名思義於自身發揮出 孔子之正大道理來爲中國撥亂反正之一線生機此當陳述者四

今日赤餒披猖全省震恐皆由違反 孔子之道所教試舉數端言之往年成大聘歐父之吳虞爲教習本會曾力斥其非且引顧亭林清議亡干戈至之言以爲證乃當局者悍然爲之一般人亦恬然安之今日四川之干戈其至焉否乎多數人貧苦死亡少數人驕奢淫佚不均不安 孔子尙以爲患也今日之少數人其覺悟焉否乎違反 孔子迷信異端梵眼祈禱蠢蠢一致似全不知王凝之王縉高駢之故事也者神經其麻木否乎姑舉三端皆是致亂而戡亂之道則一而已實 行孔子之道是也鄙見如此諸吾子想不河漢斯言

新選董事姓名票數表

徐子休先生 三十七票

曾奐如先生 三十五票

尹仲錫先生 三十二票

徐深甫先生 二十七票

郭仲權先生 二十五票

文藻青先生 十六票

周莘池先生 十三票

劉萬鍾先生 十二票

馮一披先生 十一票

快郵代電

(劉培芝先生主稿)

國民政府行政院蔣委員長財政部全國經濟委員會四川旅京同鄉會四川省政府四川善後劉督辦鄧軍長田軍長楊軍長李總司令程特派員四川安撫會各師長各旅長各縣長各法團各報館均鑒川人苦苛捐雜稅久矣頻年以來戰亂相尋形格勢禁不但無廢除之望並且日有增加抑更無發言之權



惟有坐以待斃堂堂天府之國幾於地獄之不如矣今幸我中央政府頒布明令七月一日起實行廢除全國苛雜稅限本年底一律淨盡仁聲所被噓枯吹生垂死之民曷勝悲仰惟是江浙諸省業已奉行吾川執政諸公英明賢達想不後人當此萬民企望之時重以中央大命斷不能心存漠視使人謂我川省自外生成夫苛雜者非美名也凡舉一事戾於正者謂之苛淆於正者謂之雜皆不正之事也不正之事必不正之人行之必待正人而廢之爲諸公計建牙開府位望尊崇何須取此苛雜不正之財自貽正人之玷政者正也其身正不令而行其身不正雖令不從吾川今日情形不亟廢除苛雜行見瘠苦之地驍悍之民將以抗拒發端而大亂作矣所謂雖令不從者是也願安得到處催科之吏悉挾機砲而行都凡延繳之家概予格殺勿論耶以田賦論附省有征至七八十年者遠縣有不可以年計者以釐稅論一條幹路有設關卞數十處

者以稅源論如米鹽薪炭日用所需圖書儀器文化所繫向不抽捐而今皆無  
倖免者以稅率論有此輕而彼重者有任意取攜并無標準者以辦法論有軍  
方派征一萬而人民所出有加倍又加倍者有隨便假一名字於月徵外臨時  
增收者有地方附加稅亦照軍隊累進不已者此不過舉其大概而已以外種  
種可笑可怪之名（如懶捐子彈捐服裝費人情捐團甲捐匪隊捐義勇捐土  
藥捐等）不一而足實難枚舉蓋各自爲政各項名目各種手段隨時變化任  
意增加真罄竹難書也流毒之深貽禍之慘幾爲古今所罕聞中外所詫異農  
村破產商業蕭條真無一方面有生人之樂於是悉歸怨於政府而政府反日  
日言窮軍士更人人叫苦此尤無從索解者每聞外縣來者言各鄉伏莽滿谷  
滿坑一旦觸發禍機從亂如歸斷難收拾此亦人人所具知無可諱言者也難  
者曰吾川現值剿匪之際此等苛雜捐稅藉供軍用應宜從緩裁撤嗚呼爲是

語者必全無人心者也夫官兵月餉自有國家正供獎卹運輸又有臨時捐款此苛雜者起於未有赤匪之前握於少數織人之手徒歸中飽不明用途幸值剿匪時機遂藉此益恣其姑曠是赤匪者破壞七千萬人之財產生命而成就少數人之富貴利達也綜計吾川年入之款其及於剿匪幾何而尙忍以此藉口乎竊恐匪未平而未爲匪者亦將成匪接踵起也誠亦知此時立地掃清有人不樂然長此飲鳩不設一法變一計終歸於敗亡而後已食苛雜之利者雖擁資鉅億又能免乎平心而論人即至愚亦斷無甘心敗亡者徒以相習於猜防不勝其牽掣挖肉補瘡以致貽誤迄於今日嗚呼自今日以後財盡民散陷於絕地尙能予取予求乎斯不得不急起而設法變計也存亡生死只在主政者一念之轉移能等苦心籌慮所望於轉移者惟兩途焉耳一則主於吾川政府先將軍隊編制不准虛冒不准浮支其他可以省汰者均一律裁撤樽節出

款縮小出款然後再定入款明入者若干暗入者若干分別搜剔勿令公私淆混其敢有藉公肥私者無論機關大小職位崇卑但過五百元必殺無赦不及五百元仍必治罪只貸一死可也舉凡不應收之款不得私收一文不應支之款不得妄支一文一出一入兩方綜覈其爲人民所省絕非細故自可回復民國初年賦稅原狀登時如重囚被釋立見天日矣以鄙見度之極易辦也惟在當局決然毅然破除平日瞻顧私心對付小術慷慨激昂與民更始敢斷言曰如解倒懸事半功倍此等九頓首以求我川中之主政者也一則主於中央國民政府須視四川爲中國領土中書行省休戚相關存亡與共曩年川亂每由中央坐觀成敗甚至鬥之使相吞噬欲徐徐收卞莊之利人民苦痛遂無暇計及矣今者我國民政府既不蹈從前宿弊廢除苛雜之明令昭告天地鬼神川人皆仰首曰其庶幾撫我乎夫苛雜誠當廢除但苛雜憑何劃清廢除從何

著手賦稅有一定之則例每年征收錢糧一年一次逾一年即苛矣不得謂收七八年者爲苛收三兩年即非苛也多一加附即雜矣不得謂新附加者爲雜舊附加者雖累收數次而非雜也試問今者一年只收一次附加一切掃除能乎不能如其不能則所謂廢除者高調耳空言耳而任事之人轉得設辭抵飾仍歸於相持不決即使有所變更恐存留者五十步與百步也况整理財政必先編制軍隊編制軍隊又必須借資財力倘無準備以謀過渡其何以立紓民困竊以爲中央似宜用快刀斬亂絲之法先就國帑設法提撥一宗巨款儲以待用一面切實考查川政府務將財政出入收稅綜覈明確核定每年應收應支之數揆諸現今與夫善後各費究竟比諸民初賦稅數目適合與否足用與否不足而又取諸民又非中央所宜出則以提撥之款爲川民度過難關不得再予通融欲斷仍續斯真能廢除稅雜而川民始有再生之望也此等九頓

首以求我國民政府之主政者也。等非敢危辭聳聽實欲銷患未萌既感中  
央明見萬里之誠又感諸公平日相知之雅漏舟同處斷不能默爾而息坐見  
淪胥用特瀝血而陳貢其所見斥爲多口咎無可辭倘蒙逾格之矜憐爲拯垂  
亡之殘子等雖老且死亦感同身受矣下風瞻企不盡所懷即請 鈞安伏  
候 明教曾鑑方旭徐炯劉成榮尹昌齡徐孝剛周道剛蔡文銓彭光烈陳國  
棟洪璧林啟愚洪寅李昶劉德馨郭彥謙廖天祥文澄彭芬裴鋼同叩冬印

成都紳耆電蔣委員長

急南昌蔣委員長鈞鑒赤匪突圍巴中復陷蔓延裹脅不特潼保震驚即川西  
亦皆告警時機急迫危乎其危等迭電請求中央派陝鄂駐軍入川會勦并  
請進攻大巴山拊賊之背斯爲上策諒邀鈞察現擬請一面再派胡宗南師全

部進駐川境昭廣一帶分兵進勦大巴山其現駐昭廣之鄧總指揮錫侯飭即開往閬蒼一帶與田總指揮頌堯合軍併力堵禦以作川西屏障在胡師長不過前進數步即是川境并無何等困難在鄧田兩總指揮兵合力強防綫較前減短作戰較易此種救急辦法誠屬切實可行川西萬衆生機將於此乎是賴惟望採納立即施行臨電涕泣不勝企盼皇遽之至曾鑑方旭徐炯劉成榮尹昌齡李固基徐孝剛周道剛蔡文銓彭光烈陳國棟洪璧林啟愚洪寅李旭劉德馨郭彥謙蘇兆奎文澄廖天祥彭芬同叩篠印

成都紳耆再電蔣委員長

立刻到南昌軍事委員長蔣鈞鑒密前上陽電懇求增兵撥款悚惕待命未奉德音惶惑萬分莫知所措蜀事岌危至此稍緩即難收拾不特全川之禍抑亦

國家之憂川中各界迭次呼籲即特派員等亦瀝述近日危急情形生死呼吸懸於俄頃委座遲不宣布羣情臆揣驚愕萬狀不知所由巴蜀爲中國前途生命綫委座包容天下必不忍七千萬生命糜碎於浩劫也川局形近崩潰無可諱言川款匯申陡增數倍各路勦匪軍節節退後渝萬保順居民紛紛逃徙震恐達於極點爲今之計只得泣懇委座急頒嚴令分令陝鄂軍隊向夔萬城口及大巴山脈分頭並進剋速會勦而尤以大巴山後方夾擊爲殄匪之要著即懇酌擇宜萬適中地點設置委座行營以便就近督率期於一鼓盪平清季辦理白蓮教匪三省會剿具有成規舍此別無良法聞川軍首長已迭有電籲懇派兵助剿座委神明獨斷務祈立頒電令否則全川子遺生機盡矣孟子曰保民而王莫之能禦惟望委座以川民爲重劍及履及肅候明教曾鑑方旭徐炯劉成榮尹昌齡李固基徐孝剛周道剛蔡文銓彭光烈陳國棟洪璧林啟愚洪



寅李旭劉德馨郭彥謙蘇兆奎文澄廖天祥彭芬同叩寒印

蔣委員長覆成都紳耆電

曾煥如先生並轉方徐諸位先生同鑒寒電及篠電均誦悉川事至此誠可痛心中央對各將領業經嚴電曉諭申戒並爲規定應守陣線各路官兵苟尙有一毫救川與自救之觀念者則受此重大教訓生死存亡迫於呼吸之際應必憬然悔悟協守挽救現已一面嚴令甫澄尅日復職並令陝軍速擊匪後以解北道之危一面趕籌各項切實有效之辦法中央必不坐視務盼諸君就近對各將領痛切警醒激發天良拚死撐持無論如何必須目前先能穩定然後一切補救辦法乃易期奏效也中正有祕牯

電各軍將領

特急旺蒼壩鄧總指揮南部田總指揮三江口李總指揮巴中羅副指揮江口

楊總指揮宣漢唐總指揮范副指揮劉總指揮江口潘總指揮均鑒九月五日  
奉到南昌蔣委員長冬電內開中央顧念川局與公等毫無二致接濟彈藥亦  
無不唯力是視惟此時川中癥結全在各路軍不能協同一致互相觀望已再  
電各路總指揮顧念鄉邦熟察利害協同進行並以大義責成甫澄仍負責督  
剿挽救戰局矣諸公敬恭桑梓尙希以被髮纓冠之義就近勗勉諸將與中央  
共濟艱難是所至盼中正冬辰行戰等因竊念共匪擾川諸公左挈右持鏖戰  
年餘而潰決至此以致蜚語流布聞於中央遂有觀望之詰責斯何時也而尙  
可觀望乎此聲傳於天下真吾蜀人之恥也等斷不信諸公意圖自私忍貽  
匪禍然空穴來風計惟只有自修止謗如同心協力將匪掃除誰敢議之否則  
家置一喙亦無以自解而終歸於禍人禍已昔朱浮有言凡作事無爲親厚者  
所痛等與諸公共處鄉邦又辱知愛可謂親厚矣而聞如是云云能不痛心

中央與吾川有如唇齒唇亡齒寒蔣公固已見及特以此相告意可知矣萬一授人口實將使天下人謂全國赤化從四川始從四川之將領不齊心始是何等惡聲何等咎戾而吾川將領願蒙之耶知諸公決不甘心者也勗勉之言非所敢任謹抒肝鬲之要一求諸公昭察事到今日公私兩字決之耳公則存私則亡其機甚捷不待旋踵以諸公之明又值創巨痛深必與中央沆瀣一氣團結各部相與戮力以功名終此等所切望者也自維衰薄無裨高深惟此耿耿之誠天日可鑒忍死以待涕泣而陳時乎時乎不能再來刻期奏凱一雪斯言無任千禱萬禱之至謹請助安諸惟崇照曾鑑方旭徐炯劉成樂尹昌齡李固基徐孝剛周道剛蔡文銓彭光烈陳國棟洪璧林啟愚洪寅李昶劉德馨郭彥謙蘇兆奎文澄廖天祥彭芬同叩陽印

電各總副指揮請盡量防堵徐圖進剿

安川社自北道各軍退扼嘉陵江成都大震中央又派胡宗南師抄賊之背誠恐匪爲爭生存計突破嘉陵江防綫則赤氛所及不但人民無所逃命勢必同歸於盡矣曾鑑等早鑒及此特涕泣陳詞分電北道總副指揮請力矯前失以定人心而消隱禍語絕怨痛原電錄後用嚮讀者廣元鄧總指揮南部田總指揮蓬安李總指揮羅副指揮營山楊總指揮鈞鑒近日各軍退扼嘉陵江成都大震朋輩中挈家遠引者日有所聞此種景象寧復能堪川西人民恃嘉陵江爲天塹倚諸公若長城雖中央已派胡宗南師進屯昭廣然川軍之旗幟早耀域中諸公之聲威早聞天下倘客軍拊賊之背賊退無路抵死前爭衝破前方防綫人民何所逃命而吾川軍亦掃地無保矣此時望諸公盡量防堵徐圖進剿斷斷不能再執意見再分畛域存則同存亡則偕亡間不容髮以川北前方現有之兵力據一般輿論皆謂剿共有餘等佩重諸公深盼左提右挈集此

大動同是鄉人外方議吾川軍幾一錢不值等深用愧恥每一聞之輒爲搥胸頓足無異惡聲之及於自身也又况禍亂之至將同歸於盡乎掬淚而陳出於哀懇抑更有進者近日省中各界以及外縣士紳憤此次兵退之故並未接戰不解何心相謂吾儕小人平時竭力以養兵至今日乃延頸以待死人爲刀俎我爲魚肉死不甘心無寧大伸公義其言絕痛等竊引爲私憂無如之何惟有苦求諸公力矯前失以定人心而消隱禍否則外禍方張內憂復起生靈塗炭作俑者誰爾時須有賁育之勇蘇張之智恐無以善其後矣鑑等生無所戀死無所悲獨念諸公浸盛而中衰百姓無辜而盡絕耿耿不忘耳出言無狀幸賜鑒原燭照無遺不待再瀆曾鑑方旭徐炯劉成榮尹昌齡李固基徐孝剛蔡文銓彭光烈陳國棟洪璧林啟愚洪寅李昶劉德馨郭彥謙蘇兆奎文澄廖天祥彭芬等同叩養廿二日印

公祝何秋帆先生九十大慶述略

中華民國二十三年八月二日實甲戌年六月二十二日爲我華陽耆宿何秋帆先生九十初度之辰先生志力貞強學醇行粹年登上耄神明不衰邦人士咸致欽嚮際茲攬揆佳辰不可以弗慶也於是徐子休先生發議寓書於先生知好及占籍華陽曾與科目秀才之列或舊在門牆者先期籌計附於鄉飲酒之義用祝難老爰諏六月十八日就大成學校具觴酒爲先生壽更致薄物數事申布誠款時則有年齒後於先生四歲之張和生先生堅欲偕同致祝僉謂宜特加崇異與先生並爲客以章敬老之誼議以克合而徐子休先生爲之辭曰道化孔神性焉非強親親之外厥惟長長三古以還理失其真鄉飲酒廢繁然鬥爭欲救斯敗範之以禮養老乞言授杖授几繫惟先生年登九旬德充容粹康強其身岷山之精雄厚深邃天耀德星世欽人瑞日吉時良旨酒欣欣一

堂和敬萬方穆清道已天通齒以德貴豈惟期頤千二百歲辭成曾奧如先生書之至日張和生曾奧如徐子休尹仲錫林山腴李崇宣高博齋陳煦田蘇鳳岡徐深甫屈兆尊張東有廖輝如馮一披盛震生鄧敬安諸先生與彥謙成集乃以安車敬迓先生既蒞止攝影校西禮殿下將入座三揖先生爲禮先生三揖答謝酒旣行先生談笑風生飲啖甚適環坐歡然李崇宣先生者年已六十有六居恆與先生不常晤接旣而詢悉平生則訝曰君何時乃蓄髭鬚耶聞者皆大噱蓋先生與崇宣先生尊人爲故交省記其少時體貌故云爾酒罷復談憇有頃乃送先生歸少間高博齋先生詣候先生意其勞勸而先生已偕友人入茗肆燕座矣其健如此越五日徐子休先生命彥謙約略記之





一面令滬津各銀行如有川軍將領存款即予一律提充四川剿赤經費并許銀行及查提機關各得十分之一之獎金一面密電鄂湘陝甘滇五省嚴飭於四川通過路線之軍警預爲注意遇有川軍將領戰敗逃出者即行捕拿准將追出財產提半充賞絕川軍將領之去路堅其作戰之決心其效當什百於嚴電制止萬言誥誠并請令如輕棄地逃走不論何人均以臨陣退縮處斬川人雖冤死亦當含笑九泉以報鈞座之賜矣濡血陳詞伏乞俯准成都市紳商等叩哿印

奉軍政部令禁孔廟駐兵

錄某報

蜀光社此間二十八軍部近奉軍政部令各處孔廟不得駐兵軍部昨訓令所屬各部師長遵照令文云爲令遵事案奉軍政部務字第一二二一號訓令開案奉軍事委員會宥陸代電開奉委員長手令開通令各省各軍凡各孔廟不

得駐兵即希遵照迅予辦理等因奉此查孔廟不准駐兵迭經通令有案茲奉前因除呈復并分別咨令外合再令仰遵照並飭所屬一律遵照此令等因奉此除分令外合行令仰該師長即便遵照并飭所屬一體遵照爲要此令

成都市一月中匯出款項驚人 錄某報

日新社前方剿匪軍事日趨緊張成都市面金融益形枯窘其造成金融恐慌之要素厥爲軍閥貪官汙吏彼等以平時聚斂積豐富因時局緊張關係不惜爲一已將來之安全將大批聚斂所得盡量匯出以致影響本市金融極度恐慌九半關期商場幾不成收交頃晤銀行某君談自八月二十三日劉甫澄督辦赴渝時起至今不足匝月川省匯出現金多至一千數百萬此風迄今仍未稍息近頃市面金價突由一百一二十元漲至一百三四十元且各金店赤金亦感缺乏之虞云

大成會集錄

介紹新刻古書

朱子論語或問

每部  
四本

板存學道街志古堂

連史紙壹元伍角  
粉二連紙壹元